

六
典
通
考

六典通考卷百八十二

湖西閣鎮珩輯

賓禮考

諸侯朝禮

古者諸侯將適于王裨冕而出眡朝至湯沐之邑則齋戒以入見而王駕齋馬乘齋車以其等爲送逆之節侯裨冕王袞冕曲禮曰天子當依而立諸侯北面而見曰覲天子當宁而立諸公東面諸侯西面曰朝鄭氏謂春朝受摯於朝受享於廟生氣文也秋覲亦受之於廟殷氣質也夏宗依春冬遇依夏又以覲禮王服袞冕司服王眡朝皮弁服因謂在廟則冕服在朝則皮弁服然皮

弁服乃王日昃朝之禮非受諸侯朝覲之服也書康王
卽位諸侯入應門奉圭以進既見王乃釋冕此在朝冕
服之事也漢制百官賀正月天子服通天冠章形曰通
天冠朝會之正服猶古之皮弁也自晉以來天子郊祀
天地明堂宗廟元會臨軒介幘通天冠平冕皐表朱綠
裏加于通天冠上衣畫而裳繡爲日月星辰十二章自
此元日受朝用祭服梁及隋唐因之蓋古者受朝未嘗
不以祭服漢失其制至晉以來諸儒考正始復舊典云
大行人邦畿方千里其外方五百里謂之侯服歲壹見其貢
祀物又其外方五百里謂之甸服二歲壹見其貢嬪物又其
外方五百里謂之男服三歲壹見其貢器物又其外方五百

里謂之采服四歲壹見其貢服物又其外方五百里謂之衛

服五歲壹見其貢材物又其外方五百里謂之要服六歲壹

見其貢貨物六服去王城三千五百里相距方七千里公侯伯子男封焉其朝貢之歲四方各四分趨四時

而來祀貢者犧牲之屬嬪物絲枲也器物尊彝之屬服物玄纁絺繡也材物八材也貨物龜貝也九州之外

謂之蕃國世壹見各以其貴寶爲摯九州之外夷服鎮服蕃服其君無執玉瑞者是以謂上公之禮執桓圭九寸纁藉九寸冕

其君爲小賓臣爲小客服九章建常九旂樊纓九就貳車九乘其朝位賓主之間九

十步立當車軹諸侯之禮執信圭七寸纁藉七寸冕服七章

建常七旂樊纓七就貳車七乘朝位賓主之間七十步立當

前疾請伯執躬圭諸子執穀璧五寸纁藉五寸冕服五章建

常五旂樊纓五就貳車五乘朝位賓主之間五十步立當車

六典通考

卷百八十二

衡諸男執蒲壁

續藉以五采韋衣板若奠玉則以藉之九章者自山龍以下七章者自華蟲以下五章者

自宗彝以下也常旌旗也旂其屬穆垂者也樊纓馬飾也貳

副也朝位謂大門外賓下車及王車出迎所立處也王始立

大門內交擯三辭乃乘車而迎之齊僕爲之節上

公立常軹侯伯立當軹疾子男當衡王立當軹與

司儀將

合諸侯則令爲壇三成宮旁一門

天子春帥諸侯拜日於東郊則爲壇於國東夏禮日

於南郊則爲壇於國南秋禮山川丘陵於西郊則爲壇於國

西冬禮月四瀆於北郊則爲壇於國北既拜禮而還加方明

於壇上詔王儀南鄉見諸侯士揖庶姓時揖異姓天揖同姓

而祀焉

王既祀方明諸侯上介皆奉其君之旂置於宮乃詔王升壇

諸侯皆就其旂而立諸公中階之前北面東上諸侯東階之

東西而北上諸子門東北面東上諸男門西北面東上王揖

之者定其位也庶姓無親者也士揖推手小下之也時揖平

推手也天揖推手小舉之

小行人成六瑞王用瑱圭公用桓圭侯用信

圭伯用躬圭子用穀璧男用蒲璧

瑞信也朝見所執以爲信

合六幣圭以

馬璋以皮璧以帛琮以錦琥以繡璜以黼此六物者以和諸

侯之好故

六幣所以享也五等諸侯享天子用璧享后用琮其大各如其瑞皆有庭實以馬若皮皮虎豹皮也

用圭璋者二王之後也

玉人之事鎮圭尺有二寸天子守之命圭九

寸謂之桓圭公守之命圭七寸謂之信圭侯守之命圭七寸

謂之躬圭伯守之

命圭者王所命之圭也朝覲執焉居則守之

天子執冒四寸以

朝諸侯

四寸者方以尊接卑以小為貴

天子用全上公用龍侯用瓚伯用將

金純玉也龍瓚將皆雜名也卑者下尊以輕重為差玉多則重石多則輕公侯四玉一石伯子男三玉二石

雜

記贊大行曰圭公九寸侯伯七寸子男五寸厚半寸剡上左

右各寸半玉也藻三采六等

贊大行者書說大行人之禮者名也藻薦玉者也三采六等以

朱白蒼畫之再行也子男執璧作此贊者失之矣

王制天子無事與諸侯相見曰

朝考禮正刑一德以尊于天子

事謂征伐

大戴禮古者聖王明

義以別貴賤以序尊卑以體上下然後民知尊君敬上而忠

順之行備矣是故古者天子之官有典命官掌諸侯之儀大行人掌諸侯之儀以等其爵故貴賤有別尊卑有序上下有差也典命諸侯之五儀諸侯之五等以定其爵故貴賤有別尊卑有序上下有差也朝聘之禮各執其圭瑞服其服乘其駟建其旌旗施其樊纓從其貳車委積之以其牢禮之數所以明別義也然後天子冕而執鎮圭尺有二寸藻藉尺有二寸搢大圭乘大輅建大常十有二旒樊纓十有再就貳車十有二乘率諸侯而朝日東郊所以教尊尊也退而朝諸侯爲壇三成宮旁一門天子南鄉見諸侯土揖庶姓時揖異姓天揖同姓所以別親疏内外也公侯伯子男各以其旂就其位諸公之國中階之前北面東上諸侯之國東階之東西面北

上諸伯之國西階之西北面東上及其將幣也公于上等下

此當有侯伯于中等子男于下等二句

所以別貴賤序尊卑也奠圭降拜升成拜

明臣禮也奉國地所出重物而獻之明臣職也肉袒入門而右以聽事也明臣禮職臣事所以教臣也率而祀天於南郊配以先祖所以教民報德不忘本也率而享祀于大廟所以教孝也與之大射以考其習禮樂而觀其德行與之圖事而觀其能償而禮之三饗三食三宴以與之習立禮樂是故一朝而近者三年遠者六年有德焉禮樂爲之益習德行爲之益修天子之命爲之益行然後使諸侯世相朝交歲相問殷相聘以習禮考義正刑一德以崇天子故曰朝聘之禮者所以正君臣之義也諸侯服於德報于義則天下太平古者天

子爲諸侯不行禮義不修法度不附於德不服於義故使射
人以射禮選其德行職方氏大行人以治其國選其能功諸
侯之得失治亂定然後明九命之賞以勸之明九伐之法以
震威之尙猶存不附于德不服于義者則使掌交說之故諸
侯莫不附于德服于義者此天子之所以養諸侯兵不用而
諸侯自爲政之法也 周官六年五服一朝又六年王乃時
巡考制度于四岳諸侯各朝于方岳大明黜陟 國語先王
之制邦內甸服邦外侯服外五百里之侯衛賓服侯侯圻也
衛衛圻也
蠻夷要服蠻蠻圻也
夷夷圻也戎狄荒服去王城四五百
里至五千里也甸服者祭
采地之君侯服者祀侯服賓服者享甸圻二歲而見男圻三
其見無數歲見衛圻五歲而見
要服者貢要服六
歲一見荒服者王九州之外謂之
蕃國世一見 曹劌曰夫禮

所以正剡也是故先王制諸侯使五年四王一相朝也終則講于會以正班爵之義帥長幼之序訓上下之則制財用之節左傳蕞啟疆曰聖王務行禮朝聘有珪享頻有璋小有述職大有巡功設机而不倚爵盈而不飲宴有好貨殮有陪鼎入有郊勞出有贈賄禮之至也國家之敗失之道則禍亂興朝覲之禮所以明君臣之義也聘覲之禮廢則君臣之位失諸侯之行惡而倍畔侵陵之敗起矣

白虎通王者不絕臣諸侯故朝則迎之於著覲則待之於阼階升降自西階爲庭燎設九賓享禮而後歸是異於眾臣也王者始立諸侯皆見何當受法稟政教也遠近莫不至受命之君天之所興四方莫敢違夷狄咸率服故也

薛氏禮圖諸侯朝天子始至天子之境先謁關人關人告王王使小行人迎勞於畿又使大夫致積及郊王使大夫服皮弁用璧以勞之諸侯亦服皮弁服受之諸侯僎王使者用束帛乘馬及國天子賜館使司空致含小行人爲承儻諸侯僎王使者亦用束帛乘馬乃致殮將朝之旦諸侯服裊冕釋幣於禰遷主各乘其所受上路以朝卿爲上介大夫爲次介士爲眾介衣服旌旗朝位遠近陳介各如命數而擯用命數之強半天子迎公則宗伯爲上擯小行人爲承擯嗇夫爲末擯王服袞冕乘金路建大旂在門內至擯受命請事傳承擯自擯傳介自介傳公更報而下傳命訖王乃乘車出門下車而揖之公則前至門外相揖而

入三摺三介爲之三相初出皋門時三相俱入及庫門止一相及廟門外舍諸公入於舍王則更迎侯伯迎侯伯竟更迎子男凡王出迎時公立當車軹侯伯立當前疾子男立當車衡王出門下車當車軫而立王旣迎訖則服皮弁服於路門外正朝當宁而立諸侯卽服於舍服皮弁各執瑞玉至朝諸公皆東面諸侯皆西面伯子男從侯而朝序進授玉先盡同姓次及異姓將授贄皆進當王前西北東面奠玉再拜稽首王命親授諸侯乃執玉而進王以冒玉合圭然後受之諸侯退再拜稽首授贄旣訖各還其舍王更服袞冕至廟中當展而立諸侯各服裨冕一相入行享禮隨國所有分爲三享王者之後三享以圭璋致之五等

諸侯三享以璧琮致之致享之禮王但撫之諸侯自授於宰先行王禮然後行后禮若秋冬時諸侯乘墨車至大門外王不迎直陳摯介上摯自與諸侯相接傳命更至廟門之舍蓋諸侯前期皆受舍於廟門之外也王服袞當依而立受朝享之禮諸侯入門右皆奠玉再拜王命受之諸侯更取玉升堂致命王親受諸侯降堂又再拜稽首王迎升然後行三享之禮王皆撫之諸侯降堂自授王率如朝宗之法惟乘墨車天子不下堂而迎朝享并受於廟爲異於朝宗也諸侯行朝享訖王使宗伯以圭瓚酌鬱鬯裸賓王拜送之次后亦使宗伯以璋瓚亞裸賓后拜送之公酢王不酢后侯伯則王使宗伯一裸侯伯酢王后不裸子男一

裸不酢禮畢還館諸公卿皆就館見之若有功者天子賜之車服皆使公卿就館致之諸侯僉使者亦以束帛乘馬致饗餼於館諸侯亦以束帛乘馬僉使者夕則后致饗餼之禮後日王速賓來廟中行饗食燕之禮既訖乃還王致贈郊送加勞之禮送之至境凡諸侯當朝之歲有故不得朝則遣世子來朝若已誓於天子者則禮下其君一等未誓者以皮帛繼子男也若無世子使孤禮與子男同所異者立當車前不交擯廟中無相以酒禮而已無孤者使卿如聘禮

虞書五載一巡狩羣后四朝鄭康成以爲四方諸侯分四時來朝其說非也朱子云天子巡狩之明年東方諸

侯來朝又明年南方諸侯來朝又明年西方諸侯來朝又明年北方諸侯來朝是謂五載之內諸侯來朝者四也夏殷分諸侯爲五部五年而朝徧天子六載一巡狩周則分諸侯爲六服侯服歲見甸服二歲而見男服三歲而見采服四歲而見衛服五歲而見要服六歲而見凡六年而六服之應朝者徧矣至十二年王巡狩諸侯畢朝于方岳之下周禮言六服書止言五服者不數要服也武成云邦甸侯衛酒誥及康王之誥亦云侯甸男采衛皆不及要服也或疑歲見之文禮制過繁幾于率天下而路不知先王酌道里之遠近以爲疏數近者其來易遠者其來難且六服分見之制詳載周語注自韋

昭其言各有所據復奚疑乎

王制方伯爲朝天子皆有湯沐之邑於天子之縣內視元士

浴用湯沐用潘

左傳鄭伯請釋泰山之祀而祀周公以泰山之祊

易許田三月鄭伯使宛來歸祊不祀泰山也

成王營王城有遷都之志故賜

周公許田以爲魯國朝宿之邑後世因而立周公別廟焉鄭桓公有助泰山湯沐之邑在祊鄭以天子不能復巡狩故欲

許田

鄭人請復祀周公卒易祊田三月鄭伯以璧假許

田爲周祊故也

公羊傳許田者何魯朝宿之邑也諸侯時

朝乎天子天子郊諸侯皆有朝宿之邑焉此魯朝宿之邑也

則曷爲謂之許田諱取周田也曷爲謂之許近許也此邑也

其稱田何田多邑少稱田邑多田少稱邑

諸侯來朝當有所住止故邑于遠郊

其實天子地諸侯不得專也

穀梁傳非假而曰假諱易地也許田者魯朝

宿之邑也。郛者，鄭伯之所受命而祭泰山之邑也。用見魯之

不朝于周而鄭之不祭泰山也。

泰山非鄭境內，從天王巡狩受命而祭也。

祝鮀

曰：取于有閭之土以供王職。

有閭，衛所受朝宿邑。

取于相土之東都，以

會王之東蒐。

爲湯沐邑，王東巡狩以助祭泰山。

禮書諸侯于王畿，有朝宿之邑。泰山有湯沐之邑，方伯之

邑在縣內，視元士。非方伯則否。許田，魯湯沐之邑也。觚，鄭

伯從祭泰山湯沐之邑也。邑非諸侯之所得專，魯鄭專而

易之。此春秋所以譏也。漢諸侯皆有邸于京師，武帝令諸

侯各治邸，泰山下蓋先王之遺制。然先王時湯沐邑皆有

所賦，漢則民無蓋藏。高祖省禁，輕租，自天子以至封君湯

沐邑皆各爲私奉養，不領于天子之經費。

觀禮鄭目錄云觀見也春見曰朝夏見曰宗秋見曰覲冬見曰遇朝宗禮備觀遇禮省是以享獻不見焉

三時禮亡唯此存爾觀禮於五禮屬賓

王使人皮弁用璧勞侯氏亦皮弁迎於帷門之外再拜郊勞

行人也皮弁者天子之朝服也璧無束帛者天子之玉尊也郊舍為惟宮受勞使者不答拜遂執

玉三揖至於階使者不讓先升侯氏升聽命降再拜稽首遂

升受玉不答拜者為人使不當其禮也不讓先升奉王命尊也升者升壇使者東面介侯氏東階上西面聽之

使者左還而立侯氏還璧使者受侯氏降再拜稽首使者乃

出左還還南而示將去也還玉重禮侯氏乃止使者使者乃入侯氏與之讓

升侯氏先升授几侯氏拜送几使者設几答拜侯氏先升賓禮統焉上介

出止使者則以布席也侯氏用束帛乘馬僎使者使者再拜受侯氏再

拜送幣僎使者所以致尊敬也拜者各於其階使者降以左驂出侯氏送於門

六典通考卷百八十二

九

外再拜侯氏遂從之駢馬日駢左駢設在西者其餘三馬侯氏之士遂以出授使者之從者于外從之者遂隨使者以至朝

右郊勞 記案十有二寸東果十有二列諸侯純九大夫

純五夫人以勞諸侯純猶皆也案王飾案也夫人王后也時諸侯僭稱王同王后於夫人也玉

案十二以爲列王后勞朝諸侯皆九列聘大夫皆五列則十有二列者勞二王之後也東果實于器乃加于案

天子賜舍賜舍猶致館也曰伯父女順命於王所賜伯父舍

使者至館辭侯氏再拜稽首受館饋之東帛乘馬王使人以命致館無禮猶饋之者尊

工使也侯氏受館于外既則饋使者於內

右賜舍 訝士居館則帥其屬而爲之蹕誅戮暴客者

司隸邦有賓客之事則役其煩辱之事 宰夫掌賓賜之

殯牽與其陳數

天子使大夫戒曰某日伯父帥乃初事大夫卿爲訝者也戒猶告也初猶故也

侯氏再拜稽首受觀日也

右戒日

諸侯前朝皆受舍於朝同姓西面北上異姓東面北上受舍於朝

受次于王廟門之外言舍者尊舍也天子使掌次爲之分別同姓異姓受之將有先後也周禮先同姓

右受舍 幕人凡朝覲共其帷幕幄帟綬 掌次諸侯朝

覲則張大次小次 射人有大賓客則作卿大夫從戒大

史及大夫介 司士凡會同作士從賓客亦如之 諸子

賓客作羣子從 大史朝覲以書協禮事 小史大賓客

佐大史凡國事之用禮法者掌其小事 雞人大祭祀夜

啼旦以詔百官凡國之大賓客亦如之 司烜氏凡邦之

大事共墳燭庭燎

侯氏裨冕釋幣于廟

將覲質明時也裨者上公衮無升龍侯伯鷩子男毳孤稀卿大夫元纁謂行主

遷主釋幣者告將覲也如聘大夫將受命釋幣于禘之禮既則祝藏其幣歸乃埋之于禖西階之東

右釋幣于廟

記諸侯裨冕以朝

乘墨車載龍旂弧韜乃朝以瑞玉有繅

墨車大夫制也入天子之國車服不可盡

同也交龍爲旂弧所以張終之弓也弓衣曰韜

天子設斧依於戶牖之間左右几

依

今帟素屏風也有繅斧文所以示威也斧謂之黼几玉几也其席莞席紛純加纁席畫純加次席黼純

天子衮

冕負斧衣

冠冕南鄉而立以俟諸侯見冠冕南鄉而立以俟諸侯見

嗇夫承命告于天

嗇夫司空屬見公擯者五人見侯伯擯子者四人子男擯者三人皆宗伯爲上擯

天子曰非他伯

父實來予一人嘉之伯父其入予一人將受之

上擯又傳此而下至嗇夫

侯氏之下介受之傳而上上介以告其君君乃許入

侯氏入門右坐奠圭再拜稽首

門入

右執臣道不致

由賓客位也

擯者謁上賓告以天子前辭

侯氏坐取圭升

致命王受之玉侯氏降階東北面再拜稽首擯者延之曰升

升成拜乃退

侯氏坐取圭則遂左降拜稽首送玉也

右覲

凡賓客諸侯有卿訝

掌訝及將幣爲前驅至于

朝詔其位入復

記偏駕不入王門

在旁與已同曰偏駕之與王同謂之偏駕

不入王門乘墨車以朝是也

本經記司几筵凡大朝覲王位設黼依依

前南鄉設莞筵紛純加緹席畫純加次席黼純左右玉几

凡侯于東箱

五官之長曰伯是職方其擯於天子也

曰天子之吏天子同姓謂之伯父異姓謂之伯舅九州之

長入天子之國曰牧天子同姓謂之叔父異姓謂之叔舅

其在東夷北狄西戎南蠻雖大曰子庶方小侯入天子之

國曰某人諸侯見天子曰臣某侯某 君天下曰天子朝

諸侯分職授政任功曰予一人 伯曰天子之力臣諸侯

之於天子曰某土之守臣某其在邊邑曰某邊之臣某

奠圭于纁上 曾子問曰諸侯旅見天子入門不得終禮

廢者幾孔子曰四請問之曰大廟火日食后之喪雨雪服

失容則廢如諸侯皆在而日食則從天子救日各以其方

色與其兵大廟火則從天子救火不以方色與兵 昔者

周公朝諸侯於明堂之位天子負斧依南鄉而立斧依爲

風於戶牖之間 按注以天三公中階之前北面東上諸

子爲周公其說差異今削之侯之位阼階之東西面北上諸伯之國西階之西東面北

上諸子之國門東北面東上諸男之國門西北面東上九

夷之國東門之外西面北上八蠻之國南門之外北面東
上六戎之國西門之外東面南上五狄之國北門之外南
面東上九采之國應門之外北面東上四塞世告至此周
公明堂之位也朝之禮不於此周公權用之也朝位之上
也正門謂之應門二伯帥諸侯而入牧居外而糾察之也
四塞謂夷服鎮服蕃服在四方爲蔽塞者新君卽位則乃
朝明堂也者明諸侯之尊卑也

四享皆束帛加璧庭實唯國所有四當爲三初享或用馬或
用虎豹之皮其次享三牲
魚膳醵豆之寶也金也丹漆絲纁竹箭也其餘無常貨奉束帛匹馬卓上九馬隨之中
庭西上奠幣再拜稽首卓讀如卓王孫之卓卓猶的也以素
的一馬以爲上書其國名後當識其
何產也馬用擯者曰予一人將受之侯氏升致命王撫玉侯
成數敬也氏降自西階東面授宰幣西階前再拜稽首以馬出授人九

馬隨之

王不授玉撫之而已以馬出隨侯氏出授玉人於外也王不使人受馬者主於享

事畢

右享

王禮賓事附於下

璧琮九寸諸侯以享天子

圭以馬璋以

皮璧以帛琮以錦

小宗伯大賓客受其將幣之齋

鬱

人掌裸器凡賓客之裸事和鬱鬯以實彝而陳之

策鬱金者之以

和鬯酒

凡裸玉濯之陳之以贊裸事

裸玉謂圭璽璋瓊

詔裸將之儀

與其節凡裸事沃盥小臣朝覲沃王盥

乃右肉袒於廟門之東乃入門右北面立告聽事

右肉袒者刑宜施於

右也凡以禮事者左袒入更從右者臣益統也告聽事者告王以國所用為罪之事也

擯者謁諸天子

天子辭於侯氏曰伯氏無事歸寧乃邦侯氏再拜稽首出自

屏南適門西

右請事

有治附見下

掌訝凡賓客之治令訝訝治之訝士

有治則贊之

大宰待四方之賓之小治

大事決於王小事家宰專平

遂入門左

屏面

北面立王勞之再拜稽首擯者延之曰升升

成拜降出

右王勞

天子賜侯氏以車服迎於外門外再拜路先設西上路下四

亞之重賜無數在車南

路謂車也凡君所乘車曰路路下四謂乘馬也亞之謂次車而東也重猶

善也所加恩善物多少由恩也

諸公奉篚服加命書於其上升自西階東面

大史是右

言諸公者王同時分命之而使賜侯氏也是右者始隨入於升東面乃居其右侯氏而西

面立大史述命

讀王命書也

侯氏降兩階之間北面再拜稽首升

成拜

大史辭之降也

大史加書於服上侯氏受

受篚服

使者出侯氏送

再拜擯使者諸公賜服者束帛四馬擯大史亦如之

既言拜送乃云

饋使者以勞有同姓大國則曰伯父其異姓則曰伯舅同姓成禮略而遂言小邦則曰叔父其異姓小邦則曰叔舅

右賜車服 記所謂大路者天子之車也龍旂九旒天子之旌也青黑緣天子之寶龜也從之以牛羊之羣則所以贈諸侯也 詩君子來朝何錫予之雖無予之路車乘馬又何予之元袞及黼 韓侯入覲以其介圭入覲於王王錫韓侯淑旂綏章簟茀錯衡元袞赤舄鈎膺鏤錫鞞鞶淺幘幘革金厄

饗禮

禮謂食燕也王或不親以其禮幣致之

右饗禮

致饗餼等經不具附見於下

上公之禮禮九牢侯伯禮七牢

子男禮五牢

諸侯七介七牢

諸侯七介七牢者周之侯伯也

賓客之

牛角尺 牛人凡賓客之事共其牢禮積膳之牛 醢人
賓客之禮共醢五十羶 醢人賓客之禮共醢五十羶
典瑞章邸射以造贈賓客 玉人璋邸射素功以致稍餼
庖人共賓客之禽獸凡令禽獸以法授之其出入亦如
之 漿人共賓客之稍禮 內宰致后之賓客之禮

乃歸

右乃歸

還圭附見於下

尚書大傳諸侯執所受圭與璧朝於天

子無過者復得其圭以歸其有過者畱其圭能正行者復
還其圭三年圭不復少紉以爵 訝士與行人送之 掌
訝及歸送亦如之 司儀凡賓客送逆同禮 環人凡門
闕無幾送及疆 反必告設奠卒歛幣玉藏諸兩階之間

乃出 凡告用特幣反亦如之

歷代朝覲禮

漢元延四年定陶王入朝盡從傅相中尉時成帝少弟中山孝王亦來朝獨從傅上怪之以問定陶王對曰令諸侯王朝得從其國二千石傅相中尉皆國二千石故盡從之他日問中山王獨從傅在何法令不能對

後漢建初六年東平王蒼上疏求朝明年帝許之特賜裝錢千五百萬其餘諸王各千萬帝以蒼冒涉寒露遣謁者賜貂裘及大官食物珍果使大鴻臚竇固持節郊迎帝乃親自循行邸第豫設帷牀其錢帛器物無不充備詔曰禮云伯父歸寧乃國詩云叔父建爾元子敬之至也昔蕭相國加以不名

優忠賢也況兼親尊者乎其沛濟南東平中山四王讚皆勿
名蒼旣至升殿乃拜天子親答之其後諸王入宮輒以輦迎
至省閣乃下蒼以受恩過禮上疏辭曰臣聞貴有常尊賤有
等威卑高列序上下以禮陛下至德廣施慈愛骨肉旣賜奉
朝請咫尺天儀而親屈至尊降禮下臣每賜譙見輒興席改
容中宮親拜事過典故臣惶怖誠不自安每會見踧踖無所
措非所以章示羣下安臣子也帝省奏歎息愈寢貴焉三月
大鴻臚奏遣諸王歸國帝特畱蒼賜以圖書秘方八月飲酬
畢有司復奏遣蒼乃許之手詔賜蒼曰骨肉天性誠不以遠
近爲親疎然數見顏色情重昔時念王久勞思得還休欲署
大鴻臚奏不忍下筆願授小黃門中心戀戀惻然不能言於

是車駕祖送流涕而訣復賜乘輿服御珍寶輿馬錢布以億

萬計朱暉傳暉降東平王府正旦蒼當入賀故事少府給壁

求壁不得願以壁為府卿驕貴吏傲不奉法蒼坐朝堂漏且盡

給之曰我數聞壁而未嘗見請試觀之主簿授暉暉召令史

奉之主簿大驚遂以白成就曰

朱掾義士勿復求更以他壁朝

自秦廢封建漢初立異姓諸侯王不過數人旋即夷滅

於是尊王子弟大啟藩封終兩漢世皇子無不裂土而

王者其來朝也恆接以家人之禮至章帝於東平諸王

親自答拜諸皆不名雖非古朝覲之儀而敦睦之誼可

尚魏晉以後茲風替矣惟蕃國朝貢歷代紀傳各著其

文以為盛事今附見其略于後

漢宣帝時龜茲王上書言得尚漢外孫為昆弟願與公主女

俱入朝元康元年王遂與夫人來朝賀皆賜印綬夫人號稱

公主賜以車騎旗鼓歌吹數十人綺繡雜繒琦珍凡數千萬

兩且一年厚贈送之甘露三年單于朝天子於甘泉宮漢寵

以殊禮位在諸侯王上贊謁稱臣而不名賜以冠帶衣裳黃

金璽盤綬蓋古侯字侯王名也侯玉其劍佩刀弓一張矢四

發幣帛十安車一乘鞍勒一具馬十五匹黃金二十斤錢二

十萬衣被七十七襲錦繡綺縠雜帛八千匹絮六千斤上登

長平詔單于毋謁其左右當戶之羣臣皆得列觀及諸蠻夷

君長王侯數萬咸迎於渭橋下夾道陳上登渭橋咸稱萬歲

單于就邸留月餘遣歸國竟甯元年呼韓邪單于來朝詔曰

呼韓邪單于不忘恩德嚮慕禮義復修朝賀之禮願保塞傳

之無窮邊陲長無兵革之事其改元爲竟甯元壽二年匈奴單于烏孫大昆彌來朝故事單于朝從名王以下及從者二百餘人單于又上書言蒙天子神靈人民壯盛願從五百人入朝以明天子盛德上皆許之上以太歲厭勝所在舍之上林苑蒲陶宮告之以加敬於單于單于知之加賜衣三百七十襲錦繡綰帛三萬疋絮三萬斤它如河平時獻帝時南匈奴單于呼廚泉將其名王來朝待以客禮遂畱內侍旣而遣去俾歸監其國焉

魏制藩王不得朝覲明帝時有朝者皆由特恩不得爲常晉太始中有司奏諸侯之國其王公以下入朝者四方各爲一番三歲而周周則更始臨時有故則明年來朝明年朝後

更滿三載乃朝不得違本數朝禮皆執璧如舊制不朝之歲各遣卿奉聘詔可

隋大業三年六月車駕次榆林郡突厥啟民可汗來朝七月啟民可汗上表請變服襲冠帶詔啟民贊拜不名位在諸侯王上

唐貞觀二十年有司言案史記正月諸侯朝賀凡四人畱長

安不過二十日今請每春二王入朝禮畢還蕃從之

唐初諸王皆出

就國故有朝賀禮中蕃以後親蕃開元中定蕃主朝見禮前

徒接虛號皇子有不出關者矣

一日尚舍奉御設御幄於太極殿南向守宮設次太樂令展宮懸設舉麾位於上下鼓吹令設十二案乘黃令陳車輅尙輦奉御陳輿輦輦典儀設蕃主位于縣南道西北面蕃國諸官

之位于其後重行北面西上典儀位于縣之東北贊者二人
在南差退俱西面諸衛各勒部屯門列黃麾仗所司迎引蕃
主至承天門外就次本司入奏級戟近仗皆入典儀帥贊者
先入就位侍中版奏請中嚴諸侍衛官及符寶郎詣閤奉迎
蕃主及從官立于閤外西廂東面侍中版奏外辦皇帝服通
天冠絳紗袍乘輿以出舍人引蕃主入門舒和之樂作典儀
曰再拜蕃主再拜稽首侍中承制降詣蕃主西北東面曰有
制蕃主再拜稽首乃宣制又再拜稽首侍中還奏承制降勞
敕升座蕃主再拜稽首升座侍中承制勞問蕃主俛伏避席
將下拜侍中承制曰無下拜蕃主復位拜而對侍中還奏承
制勞還館蕃主降復縣南位再拜稽首其官屬勞以舍人與

其主俱出侍中奏禮畢皇帝興若蕃國遣使奉表幣其勞及
飛見皆如蕃國主庭實陳于客前中書侍郎受表置於案至
西階以表升有司各率其屬受其幣焉

宋外國君長來朝擇日奉見于乾元殿設黃麾仗及宮縣典
儀太樂設國王位于縣南道西北向又設其國諸官位于其
後所司迎引國主服其國服至明德門外通事舍人引就位
侍中奏中嚴皇帝服通天冠絳紗袍出自西方卽御位典儀
贊拜國主再拜稽首侍中承制降勞皆再拜稽首敕升坐又
再拜稽首至坐侍中承制曰無下拜國主復位次引國官入
就位再拜如上儀侍中又承制勞還館通事舍人引國主降
再拜稽首出國官亦再拜稽首出侍中奏禮畢皇帝降坐

元太祖五年畏吾兒亦都護來朝至元元年勅高麗國王植修世見之禮其年六月植來朝于上都其後蕃國來朝皆以正旦聖節大朝會日行禮

明初令親王每歲朝覲不得同至一王還國無虞他王方聽來朝不拘歲月自長及幼嫡者先席者後亦分長幼爲序諸王居邊有警依期來朝無警從便洪武二年定蕃王朝貢禮始至龍江驛遣應天知府出迎賓主接見宴畢知府還明日接伴官送蕃王入會同館禮部尙書至蕃王服其國服相見宴饗用樂明日中書省奏開命官詣館如前宴勞侍儀司以蕃王及從官具服于天界寺習儀三日擇日朝見設蕃王及從官次於午門外又設其拜位于丹墀鼓三嚴百官入侍執

事舉方物案蕃王隨案由西門入至丹墀俟立皇帝服通天冠緋紗袍御殿蕃王及從官各就位贊四拜訖引班導蕃王升殿宣方物官以方物狀入殿西門內贊引至御前贊拜蕃王再拜稱賀致詞宣方物官宣狀承制官宣制訖蕃王再拜出殿復位四拜從官皆四拜禮畢皇帝興蕃王以下出樂作樂止皆如常見皇太子于東宮正殿設拜位皇太子皮弁服升坐蕃王再拜皇太子立受蕃王跪稱賀致詞訖復位再拜皇太子答拜蕃王出其從官行四拜禮見親王東西相向再拜王答拜各就坐禮畢揖而出見丞相三公大都督御史大夫皆鈞禮其陛辭如朝見儀不傳制尙書省率禮部官送至龍江驛宴勞如初二十七年更定制蕃王至禮部勞于會同

館明日各具其國服或嘗賜服者卽服朝服于奉天殿朝見
行八拜禮畢卽詣文華殿朝皇太子行四拜禮後二日從官
隨蕃王後行禮王圻曰是時四夷朝貢凡十七國其西南夷
軍民府長官土司及西域諸部族尤眾帝以
舊儀過煩
故命更定

諸侯相朝

大行人凡諸侯之邦交世相朝也凡君卽位大國朝焉小國
聘焉必擇有道之國而就

修之司儀凡諸公相爲賓謂相主國五積三問皆三辭拜受

皆旅賁再勞三辭三揖登拜受拜送賓所停止則積問闕則
問行道則勞其禮皆使

卿大夫致之三辭辭其以禮來于外也積問不言登受之于
庭也旅賁爲鴻臚之臚臚陳之也賓之介九人使者七人皆

陳賓位不傳辭賓之上介出請
使者則前對位皆當其末旅賁焉主君郊勞交擯三辭車逆拜

辱三揖三辭拜受車送三還再拜主君郊勞備三勞而親之
也交擯者各陳九介使傳

辭也車迎拜辱者賓以主君親來乘車出舍門而迎之若欲遠就之然見之則下拜迎謝其自屈辱來也至去又出車若欲遠就之然見之則下拜迎謝其自屈辱來也至去又出車若迎之辭以主君三還辭之乃再拜送之也車送致館亦如之使大夫致之君致殮如致積之禮禮俱使大夫又以馬致焉致殮如致積之禮禮俱使大夫

辭車道拜辱賓車進答禮三揖三讓每門止一相及廟唯上

相入賓三揖三讓登再拜受幣賓拜送幣每事如初賓亦如

之及出車送三請三進再拜賓三還三辭告辟也交擯擯者交

君則乘車出大門而迎見之下拜其辱賓車乃前下答拜

也三揖者相去九十步揖之使前也至而三讓讓入門也相

謂主君擯賓及賓之介也每門止一相彌相親也止之者絕

行在後耳賓三揖三讓讓升也登再拜授幣主人拜至且受

玉也每事如初謂享及有言也賓當爲償謂以鬱鬯禮賓也

上于下曰禮敵者曰償三請三進請賓就車也主君每一請
車一進三還三辭主君致饗餼還主饗食致贈郊送皆如將
一請者賓亦一還一辭致饗餼還主饗食致贈郊送皆如將
幣之儀賓食速賓其餘主君親往親往者賓爲主人主人爲
賓君如有故不親饗食則使大夫以酬幣侑致之聘

以圭璋璋也璋也享以璧琮財也己聘而還圭賓之拜禮拜饗餼

拜饗食賓將去就朝拜謝此三禮賓既拜賓繼主君皆如主

國之禮繼主君者信主君也信之者主君郊勞致館饗餼還

之積者不如也若饗諸侯諸伯諸子諸男之相為賓也各以

其禮相待也如諸公之儀饗餼饗食之禮則有降殺寧客諸侯之禮見

典瑞公執桓圭侯執信圭伯執躬圭繼皆三采三就

子執穀璧男執蒲璧繼皆二采再就以朝覲宗遇會同于王

諸侯相見亦如之玉人琢琮八寸諸侯以享夫人獻于所

之夫玉藻君入門介拂闔大夫中振與闔之間士介拂人也

此謂兩君見也振門闔也君入必中門上介夾闔禮器諸

大夫介士介雁行于後君若迎聘客之者亦然侯相朝灌用鬱鬯無籩豆之薦也君子之于禮也非作而

致其情也

作起也敬非已情也所以

此有由始也是故七介以相見也

不然則已慤三辭三讓而至不然則已慤

慤慤是愿貌大愿則辭不見情無由致

郊特牲朝覲大夫之私覲非禮也大夫執圭而使所以申

信也

其君親來其臣不敢私見于主國君也以君命聘則有私見

不敢私覲致敬也而庭

實私覲何爲乎諸侯之庭

非其與君無別

爲人臣者無外交不敢貳

君也

私覲是外交也

庭燎之百由齊桓公始也

僭天子也庭燎之差公蓋五十侯伯

子男皆三十

曾子問諸侯相見必告于禰朝服而出視朝命祝

史告于五廟所過山川亦命國家五官道而出反必親告于

祖禰乃命祝史告至于前所告者而后聽朝而入

五官五大夫典事者

道祖道也反必親告祖禰同出入禮

薛氏禮圖諸侯相朝禮始至謁關人關人報其君主君使

大夫迎于境導以入境皆有委積以供賓使大夫士問勞陳擯而不得傳詞皆上介上擯親對而言其拜受于庭至郊君親勞乃交擯傳事其拜受于堂及國使大夫授積備館君又以禮致之又使夫夫致殯將朝前一日賓使人受次于主人太祖之廟門外明旦冕服釋幣于行主然後服弁至于君之大門朝位相去下車陳介之數皆如朝覲禮主君出而迎賓客乘其車建其旂車至大門內卿爲上擯大夫爲承擯士爲紹賓擯數各依其爵位主君車在門內擯者出門外上擯北面受命而請賓來意南面傳詞遞相傳訖然後主君進迎車出門遙見則下車其立之所當亦依其爵拜賓之辱賓進答拜三揖三讓陳擯介爲相而人

主君及賓皆由振闕之中擯介皆雁行于後主君先入至中門則止一相令末介升于次介之行紹擯升于承擯之行及廟門又止一相次介升于上介之行承擯升于上擯之行升堂受玉既享則行夫人之禮享玉之法侯伯以上用璧琮子男用琥璜皆以束帛然後加玉于上而致庭實隨國所有分爲三享既受享主人以鬱鬯禮賓然後還館主人致饗餼各依賓之命數大夫亦致牢禮然後主君設享皆君親連賓而行之饗則有酬幣食則有侑幣主君若不親饗食則使使者各以其幣致之饗食則賓不償主君之使還圭致贈郊送等皆君親致于館時主君爲賓賓爲主人其介傳命之儀皆如受幣時賓所拜謝者拜饗餼拜

饗食皆偕主君之朝而拜謝之賓還館主君致贈送皆親之使大夫送出境

子太叔曰昔文襄之霸也晉文公襄公其務不煩諸侯令諸侯三

歲而聘五歲而朝朝謂之制歲聘謂朝今簡之穀梁傳祭伯來來者朝

也其弗謂朝何也實內諸侯非有天子之命不得出會諸侯

不正其外交故弗與朝也天子畿內大夫有采地謂之實內諸侯滕侯薛侯

來朝天子無事諸侯相朝正也考禮修德所以尊天子也謂事

巡狩崩葬兵革之事桓公七年穀伯綏來朝鄧侯吾離來朝不總稱朝者各

自行朝禮也公羊傳皆何以名失地之君也其稱侯朝何貴者無

後待之以初也穀梁傳其名何也失國也諸侯不生名失國失地則名

則其以朝言之何也嘗以諸侯與之接矣雖國弗損吾異日

也 曹伯使其世子射姑來朝

曹伯有疾故使其子來朝

公羊傳諸侯來

曰朝此世子也其言朝何春秋有譏父老子代從政者則未

知其在齊與在曹與

在齊者世子先也小國無大夫所以書者重惡世子之不孝

穀梁傳

朝不言使言使非正也使世子伉諸侯之禮而來朝曹伯失

正矣諸侯相見曰朝以待人父之禮待人之子以內為失正

矣內失正曹伯失正世子可以已矣則是故命也

注父正爭子則身不

陷于不義世子

尸子曰夫已多乎道

已止也廢曹伯使朝之命則曹伯不陷非禮之

愆曹伯之命可

蕭叔朝公

蕭附庸國叔名

公羊傳其言朝公何

公在外也

時公朝于外故言朝公惡公不受于廟

穀梁傳微國之君未爵命者

其不言來於外也朝于廟正也于外非正也

杞伯姬來朝

其子公羊傳其言來朝其子何內辭也與其子俱來朝也穀

梁傳婦人既嫁不踰竟踰竟非正也諸侯相見曰朝伯姬爲志乎朝其子也伯姬爲志乎朝其子則是杞伯失夫之道矣諸侯相見曰朝以待人父之道待人之子非正也故曰杞伯姬來朝其子參譏介葛盧來朝左氏傳以未見公故復來朝禮之加燕好燕燕禮好曹文公來朝卽位而見也曹

伯來朝禮也諸侯五年再相朝以修王命古之制也邾穆

公來朝季武子欲卑之穆叔曰不可曹滕二邾實不忘我好敬以逆之猶懼其貳又卑一睦焉逆羣好也其如舊而加敬志曰能敬無災又曰敬逆來者天所福也季孫從之邾隱公來朝子貢觀焉邾子執玉高其容仰公受玉卑其容俯子貢曰以禮觀之二君皆有死亡焉夫禮死生存亡之體也將

左右周旋進退俯仰于是乎取之朝祀喪戎于是乎觀之今
正月相朝而皆不度心已亡矣嘉事不體何以能久高仰驕
也卑俯替也驕近亂替近疾君爲主其先亡乎 子產相鄭
伯以如楚舍不爲壇外僕言曰昔先大夫相先君適四國未
嘗不爲壇自是至今亦皆循之今子草舍無乃不可乎子產
曰大適小則爲壇小適大苟舍而已焉用壇僑聞之大適小
有五美宥其罪戾赦其過失救其菑患賞其德刑教其不及
小國不困懷服如歸是故作壇以昭其功宣告後人無怠於
德小適大有五惡說其罪戾請其不足行其政事其其職貢
從其時命不然則重其幣帛以賀其福而弔其凶皆小國之
禍也焉用作壇以昭其禍所以告子孫無昭禍焉可也 鄭

伯如晉拜成子游相授玉於東楹之東士貞伯曰鄭伯其死乎自棄也已視流而行速不安其位宜不能久

會遇

曲禮諸侯未及期相見曰遇相見于卻地曰會會禮亡

左傳明王之制使諸侯歲聘以志業間朝以講禮再朝而會

以示威再會而盟以顯昭明六年一會以訓上下之則制財用之節十二年一盟以昭信義

凡入聘四朝再會齊侯將平宋衛平宋衛于鄭有會期宋公以幣請于

衛請先相見宋敬齊命衛侯許之故遇于犬邱犬邱衛地宋公齊侯

遇于梁邱左氏傳齊侯為楚伐鄭之故請會于諸侯宋公請

先見于諸侯夏遇于梁邱穀梁傳遇者志相得也梁邱在曹

邾之間去齊八百里非不能從諸侯而往也齊所遇遇所不

遇大齊桓也 公會王子虎晉狐偃宋公孫固齊國歸父陳

轅濤塗蔡小子愁于翟泉卿不書罪之也

晉侯始翦翼戴天子而王子虎下盟

列國諸侯大夫上敵在禮卿不會公侯會伯子男可也

大國之卿

公侯爵禮為教故

當小國之君故公會諸侯晉大夫盟于扈晉侯立故也公

可以會伯子男後至故不書所會凡會諸侯不書所會後也

謂不具列公侯及卿大夫

至不書其國辟不敏也

楚濟曰以禮相見為會不行會禮為遇齊僖欲平三國宋

公有疑故請與衛侯先相見于垂故有明年鄭宋連兵之

禍齊襄欲滅紀故與陳鄭遇垂紀侯是以大去其國齊為

楚伐鄭故請會諸侯宋公請先見齊侯是以緩于伐楚皆

有關於天下者也隱與宋公聞衛亂而相遇齊桓圖霸亦

兩與莊公遇桓公欲身下諸侯以成伯業故以簡便濟其
勤勞也

春秋書公特與諸侯會盟者五隱六年于艾桓十二年
于武父莊十三年于柯二十三年于扈定十二年于黃
是也會盟參以上者八桓十二年于曲池于穀邱十七
年于黃僖二十一年于薄諸侯不序二十五年于洮二十六
年于向二十七年于宋諸侯不序昭二十六年于鄆陵是也
與伯主會盟者二十二莊二十七年于幽僖五年于首
止殊會王世子七年于甯母八年于洮九年于葵邱十五年
于牡邱二十八年于踐土文七年于扈諸侯不序十四年于
新城宣十七年于斷道成五年于蟲牢七年于馬陵九

年于蒲十五年于戚十七年于柯陵襄三年于雞澤九

年于戲十一年于毫城北十八年于祝柯二十年于澶

淵二十五年于重邱

會盟異地

定四年于皋鼬

會盟異地

是也與

會而不與盟者一昭十三年平邱公會而大夫盟者一

襄十六年溴梁書會不稱公者一莊十六年幽內不書

公外稱人者二僖十九年齊二十九年翟泉公與大夫

會盟者一成二年蜀與戎會盟者一隱二年唐

會盟異地內

大夫特與諸侯會盟者一昭十一年祿祥會而弗及盟

者一文十六年陽穀會盟參以上者三桓十一年折文

二年垂隴成十八年虛朶內大夫特與外臣會盟者二

文八年衡雍襄二十年向與外臣會盟者一襄十七年

宋與戎會盟者一丈八年暴

六典通考卷一百八十三

湖西閣鎮珩輯

賓禮考

歷代朝儀

周制天子三朝治朝宰夫掌之燕朝太僕掌之外朝司寇及朝士掌之唐杜佑通典因司寇有詢事之文遂別析爲一朝而云周有四朝其實詢事卽在外朝杜說誤也自秦漢以降有常朝有起居有朝參有大朝會所謂常朝者蓋卽周之治朝天子視朝之正禮也古者天子以歲首告朔於廟謂之朝正左傳襄二十九年公在楚不朝正於廟是也後世正至朝賀之禮蓋昉于此然古

者行之于廟主于敬祖後世用之于朝特以尊君考晉書宋遼諸史志皆以朝儀列之賓禮今准其例綜合經傳史文附於諸侯朝禮之次

朝士掌逮邦外朝之法左九棘孤卿大夫位焉羣士在其後右九棘公侯伯子男位焉羣吏在其後面三槐三公位焉州長眾庶在其後左嘉石平罷民焉右肺石達窮民焉樹棘以取其赤心而外刺象以赤心三刺也槐之言帥其屬而以鞭撻也懷來人於此欲與之謀羣吏謂府史也呼趨且辟趨朝辟行人禁慢朝錯立族談者慢朝謂臨朝不肅敬也錯立族談違其位傳語也小司寇之職掌外朝之政以致萬民而詢焉一

曰詢國危二曰詢國遷三曰詢立君外朝朝在雉門之外者其位王南

鄉三公及州長百姓北面羣臣西面羣吏東面羣臣卿大夫士也羣吏府

史其孤不見者孤從小司寇擯以敘進而問焉以眾輔志而

羣臣卿大夫在公後志者尊王賢明也輔鄉大夫大詢於眾庶則各帥其

鄉之眾寡而致於朝右天子司士正朝儀之位辨其貴賤

之等王南鄉三公北面東上孤東面北上卿大夫西面北上

王族放士虎士在路門之右南面東上大僕大右大僕從者

在路門之左南面西上此王日視朝事於路門外之位王族

雖同族不得在王宮大右司右也故士故為士晚退留宿衛者未嘗仕司士擯詔王出揖公卿孤

大僕從者小臣祭僕御僕隸僕卿特揖大夫以其等旅揖士旁三揖王還揖門左揖門右特

卿特揖一揖之旅眾也大夫爵同者眾揖之公及孤卿大夫始入明

右皆北面東上王揖之乃就位羣士及故士太僕之屬發在

其位羣士位東面王西南鄉而揖之三揖太僕前朝正王視

者士有上中下王揖之皆遂通既復位太僕前朝正王視

王入內朝皆朝王入路門內朝朝者皆退反其官府治處也

君日出而視之退適路寢聽政使人視大夫大夫退
然後適小寢謂諸侯也王日視朝皮弁服其禮則同 宰夫

之職掌治朝之法以正王及三公六卿大夫羣吏之位掌其

禁令治朝在路門之外其位司士掌焉宰夫察其不如儀 大僕王眡朝則前正位而

退入亦如之王既立退居路門左待朝畢 諸子掌國子之倅辨其等正

其位國子者公卿大夫士之副貳位朝位 大宰王眡治朝則贊聽治羣臣治事之朝

也師氏居虎門之左司王朝王日視朝于路寢門外畫虎焉以明勇猛於守宜也司猶察也

若有善道可行者則當前 大僕王眡燕朝則正位掌擯相

以詔王右天子治朝 王不眡朝則辭於三公及孤卿謂以燕朝朝於路寢之庭王

國宗人之嘉事則燕朝 王不眡朝則辭於三公及孤卿謂以燕朝朝於路寢之庭王

視朝之意告之 公族其朝於公內朝則東面北上臣有貴

者以齒內朝路 庶子治之雖有三命不踰父兄治之治公族之禮也 右

燕朝 諸侯

周禮註鄭司農云王有五門外曰皋門二曰雉門三曰庫門四曰應門五曰路門路門一曰畢門外朝在路門外內朝在路門內左九棘右九棘故易曰係用徽纆寘于叢棘元謂明堂位說魯公宮曰庫門天子皋門雉門天子應門此名制二兼四則魯無皋門應門矣檀弓曰魯莊之喪既葬而經不入庫門言其除喪而反由外來是庫在雉門外矣王五門雉門爲中門雉門設兩觀與今之宮門同閤人幾出入者窮民不得入也郊特牲譏釋於庫門內言遠當於廟門廟在庫門之內見於此矣小宗伯職曰建國之神位右社稷左宗廟然則外朝在庫門之外皋門之內與今司徒府有天子以下大會殿亦古之外朝哉內朝之在路

門內者或謂之燕朝 禮書周官太僕掌燕朝之服位宰
夫掌治朝之法司士掌朝儀朝士掌外朝文王世子公族
朝於內朝庶子掌之其在外朝司士掌之玉藻朝服以日
視朝於內朝二者所記蓋諸侯之朝也其在天子庫門之
外外朝也路門之外治朝也路寢燕朝也諸侯亦有路寢
有外朝文王世子所謂內朝玉藻所謂內寢也玉藻所謂
內朝文王世子所謂外朝也諸侯內朝司士掌之官與天
子同燕朝庶子掌之官與天子異魯語曰天子及諸侯合
民事於外朝合神事於內朝自卿以下合官職於外朝合
家事於內朝然則卿大夫亦二朝也王燕朝之位不可考
文王世子曰公侯朝於內朝東面北上臣有貴者以齒則

三之燕喜官亦然也

秦始皇二十六年制羣臣始朝賀皆自十月三十五年于咸陽營作朝宮聽事

漢七年長樂宮成諸侯羣臣皆朝十月儀先平明謁者治禮引以次入殿門廷中陳車騎步卒衛宮設兵張旗志傳言趨殿下郎中俠陛陸數百人功臣列侯諸將軍軍吏以次陳西方東鄉文官丞相以下陳東方西鄉大行設九賓臚句傳於是皇帝輦出房百官執職傳警引諸侯王以下至吏六百石以次奉賀自諸侯王以下莫不振恐肅敬至禮畢復置法酒諸侍坐殿上皆伏抑首以尊卑次起上壽觴九行謁者言罷酒御史執法舉不如儀者輒引去

南齊書秦人以十月旦爲歲首漢初習以大饗會後

用夏正饗會猶未
廢十月旦會也

後漢每月朔歲首爲大朝受賀其儀夜漏未盡七刻鐘鳴受賀及贊公侯望中二千石二千石羔千石六百石雁四百石以下雉百官賀正月二千石以上上殿稱萬歲舉觴御坐前司空奉羹大司農奉飯奏食舉之樂百官受賜宴享大作樂其每朔惟十月旦從故事者高祖定秦之月元年歲首也蔡質漢儀云正月旦天子幸德陽殿臨軒公卿將大夫百官各陪朝賀蠻貊胡羌朝貢畢見屬郡計吏皆陞觀庭燎宗室諸劉雜會萬人以上立西面位定公納薦太官賜酒食西入東出既定上壽計吏中庭北面立太官上食賜羣臣酒食貢事御史四人執法殿下虎賁羽林弧弓撮矢陞戟左右戍頭偏

脛啟前向後左右中郎將住東西羽林虎賁將住東北五官
將住中央悉坐就賜作九賓徹樂舍利從西方來戲於庭極
乃畢入殿前激水化爲比目魚跳躍嗽水作霧鄣日畢化成
黃龍長八丈出水遊戲於庭炫耀日光以兩大絲繩係兩柱
中頭開相去數丈兩倡女對舞行於繩上對面道逢切肩不
傾又蹋局出身藏形於斗中鐘磬並作樂畢作魚龍曼延小
黃門吹三通謁者引公卿羣臣以次拜微行出罷卑官在前
尊官在後德陽殿周旋容萬人陛高一丈皆文石作壇激沼
水於殿下畫屋朱梁玉階金柱刻鏤作宮掖之好厠以青翡
翠一柱三帶韜以赤緹天子正旦節會朝百僚於此胡廣曰舊儀公
卿以下每月常朝先帝以其頻故省惟六
月十月朔朝後復以六月朔盛暑省之

魏武都鄴正會文昌殿用漢儀又設百華燈後文帝修洛陽
宮室權都許昌宮殿狹小元日於城南立瓊殿青帷以爲門
設樂享會後還洛陽依漢舊事黃初五年五月有司以公卿
朝朔望日因奏疑事聽斷大政論辨得失景初元年春正月
有司奏以爲魏得地統宜以建丑之月爲正朝會建大白之
旗後仍改
用寅正

晉武受命更定元會儀謂之咸甯注先正一日有司各宿設
宋志守宮宿設王公卿校便坐于端門外大夜漏未盡十刻
樂鼓吹又宿設四廂樂及牛馬帷閣於殿前羣臣集到庭燎起火上賀起謁報又賀皇后還從雲龍東中
華門入詣東閣下便坐漏未盡七刻百官及受贄郎官以下
至計吏皆入立其次其陞衛者如臨軒儀漏未盡五刻謁者

僕射大鴻臚各奏羣臣就位定漏盡侍中奏外辦皇帝出鐘鼓作百官皆拜伏太常導皇帝升御座鐘鼓止百官起大鴻臚跪奏請朝賀掌禮郎讚皇帝延王登大鴻臚跪讚藩王臣某等奉白璧各一再拜賀太常報王悉登謁者引上殿當御座皇帝興王再拜皇帝坐復再拜跪置璧御座前復再拜成禮訖謁者引下殿還故位掌禮郎讚皇帝延太尉等於是公特進匈奴南單于金紫將軍當大鴻臚西中二千石二千石千石六百石當大行令西皆北面伏鴻臚跪讚大尉中二千石等奉璧皮帛羔雁雉再拜賀太常讚皇帝延公等登掌禮引公至金紫將軍上殿皇帝興皆再拜如前儀禮訖謁者引還故位公置璧成禮時大行令並讚殿下中二千石以下同

成禮訖以贊授贊郎郎以璧帛付諸謁者羔雁雉付太官太
樂令跪奏雅樂乘黃令乃出車皇帝罷入百官皆坐晝漏上
水六刻諸蠻夷胡客以次入皆再拜訖坐御入後三刻又出
鐘鼓作謁者僕射跪奏請羣臣上謁者引王公二千石上殿
千石六百石停本位謁者引王詣罇酌壽酒跪授侍中侍中
跪置御座前王還王自酌置位前謁者跪奏藩王臣某等奉
觴再拜上千萬歲四廂樂作百官再拜已飲又再拜謁者引
王等還本位陛下者傳就席羣臣皆跪諾侍中中書令尙書
令各於殿上上壽酒登歌樂升太官又行御酒御酒升階太
官令跪授侍郎侍郎跪進御座前乃行百官酒太樂令跪奏
奏登歌三終乃降太官令跪請具御飯到階羣臣皆起太官

令持羹跪授司徒持飯跪授大司農尙食持案並授持節持節隨進御座前羣臣就席太樂令跪奏請進樂樂以次作鼓吹令又前跪奏請以次進眾妓乃召諸郡計吏前受敕戒於階下宴樂畢謁者一人跪奏請罷退鐘鼓作羣臣北面再拜出夜漏未盡七刻謂之晨賀晝漏上三刻更出百官奉壽酒謂之晝會別置女樂三十人於黃帳外奏房中之歌江左多虞不復晨賀夜漏未盡十刻開宣陽門至平明始開殿門晝漏上水五刻皇帝乃出受賀皇太子出會者在三恪下王公上正旦元會設白獸樽於殿庭樽蓋上施白獸若有能獻直言者則發此樽飲酒

宋因晉制無所改易惟朝至十刻乃受朝賀升皇太子在三

大興通志卷一百一十三
恪上孝建三年二月始制朔望臨西堂接羣下受奏事

梁元會禮未明庭燎設文物充庭臺門闔禁衛皆嚴有司各從其事太階東置白獸樽羣臣及諸蕃客並集各從其班而拜侍中奏中嚴王公卿尹各執珪璧入拜侍中乃奏外辦皇帝服衮冕乘輿出侍中扶左常侍扶右黃門侍郎一人執曲直華蓋從至階降與納舄升坐有司御前施奉珪藉王公以下至阼階脫舄劔升殿席南奉贊珪璧禮畢下殿納舄佩劔詣本位主客郎徙珪璧於東廂帝興入徙御座於西壁下東向設皇太子王以下位又奏中嚴皇帝服通天冠升御座王公上壽禮畢食食畢樂伎奏太官進御酒主書賦黃甘逮二品以上尙書駙騎引計吏郡國各一人皆跪受詔侍中讀五

條詔計吏無應諾訖令陳便宜者聽詣白獸樽次還座宴樂
罷皇帝乘輿入皇太子朝則遠遊冠服乘金輅鹵簿與會則
解履升座會訖先興

陳制先元會十日百官並習儀注令僕以下公服監之設庭
燎街闕城上殿前皆嚴兵百官各設部位而朝宮人皆於東
廊隔綺疏而觀宮門旣無籍外人但絳衣者亦得入觀是日
上事人發白獸樽餘多依梁禮

後魏太祖天興元年詔儀曹郎董謐撰朝覲饗宴之儀高祖
太和十年正月朔始服袞冕朝饗萬國帝嘗臨朝堂謂穆亮
曰三代之禮日出視朝漢魏已降禮儀漸殺晉令朔望集公
卿於朝堂論政事亦無天子親臨之文今因卿等日中之集

中前則卿等自論政事中後與卿等共議可否遂命亮讀奏案上視自決之

後齊正日侍中宣詔慰勞州郡國使詔牘長一尺三寸廣一尺雌黃塗飾上寫詔書三計會日侍中依儀勞郡國計吏問刺史太守安否及穀價麥苗善惡人間疾苦又班五條詔書於諸州郡國使人詔牘長二尺五寸廣一尺三寸亦以雌黃塗飾上寫詔書正會日依儀宣示使人歸以告刺史二千石一曰政在正身在愛人去殘賊擇良吏主決獄平徭賦二曰人生在勤勤則不匱其勸率田桑無或煩擾三曰六極之人務加寬養必使生有以自救沒有以自給四曰長吏華浮奉客以求小譽逐末捨本政之所疾宜謹察之五曰人事怠氣

千寵奉公外內潤濟綱維不設所宜糾刻正會日侍中黃門
宣詔勞請郡上計勞訖付紙遣陳土宜

後周武成二年正月朔大會羣臣於紫極殿始用百戲大象
元年春正月受朝於路門帝服通天冠絳紗袍羣臣皆服漢
魏衣冠

隋制正旦及冬至文物充庭皇帝出西房卽御座皇太子鹵
簿至顯日門外入賀詣皇太后御殿拜賀訖還宮皇太子朝
訖羣官客使入就位再拜上公一人詣西階解劍升賀降階
帶劍復位而拜有司奏諸州表羣官在位者又拜而出皇帝
入東房有司奏行事訖乃出西房坐定羣官入就位上壽訖
上下俱拜皇帝舉酒上下舞蹈三稱萬歲皇太子與會則設

坐於御東南西向羣臣上壽畢入解劍以升會訖先興

唐制太極殿朔望坐而視朝兩儀殿常日聽朝而視事凡元

日大陳設於太極殿

大明宮於含元殿在都於乾元殿

皇帝袞冕臨軒展宮

縣之樂陳歷代寶玉與賸借黃麾仗二王後及百官朝集使

皇親諸王並朝服陪位皇太子獻壽次上公獻壽次中書令

奏諸州表黃門侍郎奏辭瑞戶部尚書奏諸州貢獻禮部尚

書奏諸蕃貢獻太史令奏學物侍中奏禮畢然後中書令又

與供奉官獻壽時殿上皆呼萬歲

舊儀闕供奉官獻壽禮但舊儀闕供奉官獻壽禮但

二十五年李林甫革其儀奏行

大會之日陳會亦如之皇帝服通天冠皇太

子稱觴獻壽次上公稱觴獻壽侍中宣賜束帛有差其日外

命婦朝中官爲皇后稱觴獻壽司空宣賜束帛有差凡冬至

大陳設如元正之儀其異者皇帝服通天冠無諸州表奏祥瑞貢獻凡元正冬至大會之明日百官朝集使等皆詣東宮爲皇太子獻壽凡千秋節皇帝御樓設九部之樂百官袴褶陪位上公稱觴獻壽凡京師文武職事九品以上每朔望朝參五品以上及供奉官員外郎監察御史太常博士每日朝參凡蕃國主朝見皆設宮縣之樂及黃麾仗若蕃國使則減黃麾之半凡朝會以官職事同者先爵爵同以齒致仕官居上職事與散官勳官合班則文散官居職事之下武散官次之勳官又次之官同者異姓爲後親王嗣王任文武官者從其班官卑者從王品郡王任三品以下執事者居同階品之上非任文武官者嗣王居太子太保之下郡王次之國公

三品之下郡公居從三品之下縣公居四品之下侯居從四品之下伯居五品之下子居從五品之上男居從五品之下以前官召見者居本品見任之上以理解者居同品之下本司參集者以職事爲上下文武三品非職事官者朝參名簿皆稱曰諸公凡天子日御正衙以見羣臣必立仗朔望薦食陵寢不能臨前殿則御便殿乃自正衙喚仗由宣政兩門而入是謂東西上閤門羣臣俟於正衙者因隨以入謂之入閤馬端臨曰入閤起於天寶明皇以無爲守成詔宴朝喚仗百官從容至閤門入謂之入閤其後遂爲常朝之儀初太宗嘗以古者諸侯入朝有湯沐邑芻禾百車漢家故事爲諸州刺史郡守創立邸舍今都督刺史充考使至京師皆賃房與商人雜居多不便乃詔令就京城內閑坊爲諸州朝集使

造邸第二百餘所帝親觀幸焉元和初始立待漏院

舊制凡百官早

朝立馬於望仙建福門外宰相於光祿寺車前以避風雨

五代史李琪傳唐故事天子日御正殿見羣臣曰常參

朔望薦食陵寢有思慕之心不能臨前殿則御便殿見羣臣曰入閣宣政前殿也謂之衙衙有仗紫宸便殿也謂之閣其御紫宸也自正衙喚仗由閣門而入百官隨以入見故謂之入閣然衙朝也其禮尊閣宴見也其禮殺自乾符後天子不能日見羣臣而見朔望故正衙常日廢仗而朔望入閣有仗後遂以入閣爲重宋史宋庠傳唐有大內又有大明宮宮在大內之東北世謂之東內高宗以後天子多在大明之正南門曰丹鳳門門內

第一殿曰含元殿大朝會則御之第二殿曰宣政殿謂之正衙朔望大冊拜則御之第三殿曰紫宸殿謂之上閣亦曰內衙隻日常朝則御之石林燕語唐以宣政殿爲前殿卽古之內朝紫宸殿爲便殿卽古之燕朝含元殿乃漢之大會殿爲周之外朝据此則唐三朝之禮猶遵周制也又冊府元龜載大庥中間日坐朝雙日不復入閣故宋庠謂紫宸殿爲隻日常朝之儀考唐自中世多故雙日及非時大臣奏事別開延英殿始于元和十年三月然此出自特召非恆典也

後唐明宗卽位詔羣臣五日一隨宰相入見內殿謂之起居宰相李琪以爲非唐故事請罷五日起居而復朔望入閣明

宗曰五日起居吾思所以數見羣臣也不可罷而復朔望入閣自唐末喪亂禮壞天子未嘗視朝而入閣之制亦廢常參之官日至正衙者傳聞不坐卽退獨大臣奏事日一見便殿而侍從內諸司日再朝而已至是始復舊然有司不能講正其事凡羣臣五日一入見中興殿便殿也此入閣之遺制而謂之起居期望一出御文明殿前殿也反謂之入閣琪又建言入閣有待制次對官論事而內殿起居一見而退欲有言者無由自陳明宗乃詔起居日有言事者許出行自陳又詔百官以次轉對廢帝時盧文紀爲相請罷五日起居復唐故事開延英翼得從容奏議天下事帝以五日起居不可罷而便殿論事從容何必延英因詔宰相有事不以時詣閣門請對

後晉天福二年御史臺奏文武百寮五日內殿起居在京城時百官於朝堂幕次自文明殿門入穿文明殿庭入東上閤門至天福殿序班今隨駕百官自到行朝每遇起居日於幕次東出升龍門與諸色人排肩雜進自外繚繞方入內門臣竊見升龍門外庭宇不寬人徒大集或是諸司掌事或是諸道使臣令與衣冠雜進恐有壞天官見輕朝序今後遇百官赴內殿起居日請依在京事體百官於幕次自正衙門入出東橫門從之

後漢乾祐二年中書舍人艾穎言近制一月兩度入閤五日一起居近年入閤多廢遇朔望入閤卽從常禮如不入閤請朔望起居冀面聖顏以伸誠敬

後周顯德四年八月朔帝御崇元殿文武百官入閣如儀既罷賜百官廊餐帝御廣德殿西樓觀焉命中黃門閱視酒饌無不贍

宋承前制以元日五月朔冬至行大朝會禮又因唐與五代之制文武官日赴文明殿正衙常參宰相一人押班五日起居卽崇德長春二殿中書門下爲班首其長春殿常朝則內侍省都知押班建隆元年八月朔太祖常服御崇元殿設仗衛文武百官入閣始置待制候對官仗退賜食廊下馬端臨曰崇元殿卽大慶殿前殿也待制候對者亦唐制也每正衙置待制官兩員正衙退後又令六品以下官於延英候對皆所以備顧問其後每入閣卽有待制次對官後唐天成中廢至是復行之廊下食起居唐貞觀其後常參官每日朝退賜食謂之廊餐唐末浸廢但於入閣起居日賜食今循其制二年正月朔帝受朝賀仗退羣臣詣

皇太后宮門奉賀上常服御廣德殿羣臣上壽用教坊樂太宗時張洎狀論朝會之制得失略曰今乾元殿唐之含元殿也在周爲外朝在唐爲大朝冬至元日立至仗朝百國在此今文德殿唐之宣政殿在周爲中朝在漢爲前殿在唐爲正衙凡朔望起居冊拜后妃皇太子王公大臣對四夷君長試制策科舉人在此昔東晉太極殿有東西閣唐制紫宸上閣法此制也紫宸黃屋至尊至重故雖隻日常朝猶立仗前代謂之入閣儀者蓋隻日御紫宸上閣之時先於宣政殿前立黃麾金吾仗候勘契畢喚仗自東西閣門入今朝廷以文德正衙權爲上閣甚非憲度竊見長春殿與文德殿南北相對殿前地連橫街甚廣博請改此殿作上閣爲隻日視朝之所

其崇政殿卽唐之延英爲雙日聽斷之所。宣化二年內殿起居日令常參官二人次對閣門受其章。帝卽位以來每朝賀畢退御大明殿常殿上壽奏教坊樂。至是始命有司約開元禮定上壽儀法。服行禮設宮懸萬舞酒三行而罷。復舊制也。天禧四年禮儀院詳定雙日前後殿不坐。隻日視事或長春殿或承明殿。應內殿起居羣臣並依常日起居。餘如中書門下儀俄又請。隻日承明殿常朝依假日便服視事。不鳴鞭。詔可。天聖四年仁宗詔輔臣曰朕欲元日率百官先上太后壽。然後御天安殿。可令禮院草具其儀。太后曰豈可爲吾故後元會禮哉。宰相王曾請如太后命。不聽。詔中書門下具儀注。元會前先上太后壽。始此景祐初詔隻日御前殿如故事。宋庠建議本朝宮殿宣德門唐

丹鳳門也。大慶殿，唐含元殿也。文德殿，唐宣政殿也。紫宸殿，唐紫宸殿也。今須先立仗文德殿，如天子止御紫宸殿，即喚仗自東西閣門入，則與舊儀合。但今諸殿比於唐南北不相對，又案唐中葉以還，雙日及非時，大臣奏事，別開延英殿。若今假日御崇政，神宗用宋敏求言罷入閣之制，元豐中詔侍從延和是也。

官以上日朝垂拱，謂之常參官。百司朝官以上五日一朝紫宸，爲大參官。在京朝官以上朔望一朝紫宸，爲朔參官。望參官遂爲定制。建炎南幸，庶事草創，朝會之儀未暇舉。正至循例，宰臣率文武百官拜表稱賀而已。紹興改元，以二帝北狩，皇帝權率百僚遙拜畢，次御常御殿朝參。官起居至十四年九月，有司言：「明年正旦朝會，請權以文德殿爲大慶殿，合設黃麾大仗五千二十七人，欲權減三分之一，合設八寶於御座之東西，及登歌宮架樂舞諸州諸蕃貢物，行在致仕官諸」

路貢士舉首竝令立班詔從之

道正旦朝賀南北臣僚諸國使副并于東上閣門上表其常
朝起居燕京就嘉寧殿西京就同文殿朝服幘頭袍笏公服
紫衫帽

金元旦聖誕羣臣暨皇太子有上壽儀其朝參常朝儀及朔
望儀準前代制以朔日六日十一日十五日二十六日爲六
參日後又定制以望日爲朝參餘日爲常朝

元世祖初卽位未遑興建宮闕遇稱賀臣庶皆集帳前無尊
卑貴賤之辨執法官厭其喧雜揮杖擊逐之去而復來者數

次翰林承旨王磐時兼太常卿慮貽笑外國奏請立朝儀遂

如其言

春明夢餘錄元大朝殿上設漏案香案酒海殿門外
中道設褥位丹陛中道設鳴鞭丹墀中道設香案又

設表案禮物案中道南東西設樂位設內黃麾立仗設外牙
門立仗又酒海前一人手執玉鉞立於階下鉞乃殷時物長
三尺有奇廣半之通體花紋宋徽宣
和殿中爲金所得後歸元以爲大寶至元十一年正旦始御
大明殿受朝賀及後天壽節皆行朝賀禮每日宰執入延春
閣及別殿奏事而已
元有天下百年而常朝之典未及舉故史冊所載闕焉

明洪武元年九月定制凡正旦等大朝皇帝御奉天殿先設
皇太子親王次於文樓設拜位并禱褥於丹陛上正中皇帝
陞座殿前執事班起居訖引進引皇太子及親王由奉天東
門入百官齊入皇太子親王陞自東階至丹陛拜位四拜興
引進導由殿東門入內贊引至御座前位唱跪皇太子跪稱
賀履端之節冬至則云履長傳制如前俯伏興皇太子諸王
由東門出引進引復丹陛位四拜興降自東階至文樓百官

隨入賀其朝皇后則於坤寧宮略如朝皇帝儀後改定朝賀於乾清宮三年定制朔望日帝皮弁服御奉天殿百官朝服於丹墀東西再拜班首詣前同百官鞠躬稱聖躬萬福復位皆再拜分班對立省府臺部官有奏由西階陞殿奏畢降階百官出已而罷朔望起居禮更定朔望御奉天殿常朝官序立丹墀東西向謝恩見辭官序立奉天門外北向陞座常朝官一拜三叩頭復班謝恩見辭官於奉天門外五拜三叩頭畢駕興凡早朝御華蓋殿文武官于鹿頂外東西立鳴鞭以次行禮訖四品以上官入侍殿內五品以下仍前北向立奏事者出班奏畢鳴鞭以次出如御奉天殿先於華蓋殿行禮奏事畢五品以下詣丹墀北向立五品以上及翰林院給事

中御史於中左中右門候鳴鞭詣殿內序立朝退出常朝御
門儀亦洪武初定與御殿儀畧同永樂初令內閣官侍朝立
金臺東錦衣衛在西後移御道東西對立四年諭六部及近
侍官曰早朝多四方所奏事午後事簡君臣之間得從容陳
論自今有事當商確者皆於晚朝春明夢餘錄常朝御門其
御座謂之金臺既升座錦
衣力士張五繖蓋四團扇白東西陞升立座後左右而內使
一執蓋升立座上一執武備襟二扇立座後正中武備之制
一柄三及而圍以鐵線裏以黃羅袂如扇
狀用則線圍白落三及出焉備不虞也景泰初定午朝儀

凡午朝御左順門設寶案執事奏事官候於左掖門外駕出
以次入內閣五府六部奏事官六科侍班官案西序立侍班
御史二序班二將軍四案南面北立鳴贊一案東西向立錦
衣衛鴻臚寺東向立管將軍官侍衛官立於將軍西府部奏

事畢撤案各官退有密事赴御前奏隆慶六年詔以三六九日視朝萬厯三年令朝日記注起居官四人列於東常班給事中上稍前以便觀聽午朝則列於御座西稍南天下官三年一入朝自十二月十六日始鴻臚寺以次引見二十五日後每日方面官隨常朝官入奉天門行禮府州縣官及諸司首領官吏土官吏俱午門外行禮正旦大朝以後方面官於奉天殿前序立知府以下奉天門金水橋南序立如常朝儀邱濬曰我朝定制一日三朝古帝王所無也每日晨興上御奉天門文東武西侍鳴鞭畢鴻臚寺卿唱入班百官行叩頭禮分班侍立翰林學士侍御座左錦衣衛官俠陛西立六科給事中分侍左右御史分班北面立鴻臚官屬立

其後先日謝恩見辭者於鴻臚寺報名至日先赴午門外
俟百官叩頭畢鴻臚卿對御宣奏姓名員數於午門外行
五拜三叩頭禮畢五府六部以次奏所司各行事次通政
司引入於御前面奏請旨該司官出班承旨大理寺以下
有事出奏無則已次禮科引差使考滿官員次六科各奏
旨意題本守衛揭帖賞賜鈔錠次鴻臚宣奏藩府邊鎮所
遣使臣上命以酒飯賞賜旣而兩京堂上官新陞者及在
外三司來朝赴任者面見叩頭畢鴻臚卿唱奏事畢羣臣
俱側身向上公鳴鞭畢上乘輦往御武英殿或文華殿閱
章疏日率如此至午後出朝晚亦如之此每日常朝之制
也每月朔望上皮弁服御正殿百官公服叩頭畢分班侍

鴻臚卿宣奏謝恩見辭員數畢上出奉天門視朝如常儀
考前代之制有押班放仗入閣等名或失於粗略或失於
煩瑣惟今日朝儀酌古準今實爲得中

論曰古之王者揖羣公卿士于朝虛已延納廣及兆姓
用以輔志而弊謀然其時上下之分未嘗不肅焉流及
春秋晉侯揖韓獻子入于寢庭其禮猶準夫古也秦以
來尊君抑臣公孤無復坐論之文而天子日決事於咸
陽宮則所謂一日萬幾者未嘗須臾敢曠也自趙高說
二世以深居禁密于是羣臣無由入見而凶豎得以逞
其奸趙氏之社遂爲墟焉漢興叔孫通制朝儀頗采古
禮雜以秦儀然當時以十月爲歲首所用皆秦儀也證

之古禮百無一二存者至其公卿每日常朝而宣帝躬親國事始令五日一朝其卽放秦人決事之例乎唐之季世國亂禮廢天子未嘗日視朝而百官聞不坐卽退雖有起居常參之名而一切非秦漢之舊制矣惟明太祖精心圖治創爲御門之儀日旰忘勞與臣下從容論對蓋亦古者師氏司于虎門之遺意也考北魏書孝文帝嘗使魏亮午後讀奏案親自臨決可否其事適與明祖同符二者可謂近古之賢主矣在漢唐盛時大臣決事殿庭無不列坐自宋藝祖密撤范質之坐而是後宰相皆立而白事矣古君臣一德請謁無時故汲黯見武帝於武帳魏徵見太宗於便殿隨事規納畧去繁文自

元和以後特開延英殿而宰相必待召命而後入矣周之制小宰贊治朝小臣通復逆左右近侍皆士人也由秦漢以迄于明不用士人而用宦者故國家往往多奄禍易曰日中見沫其是之謂乎

[illegible]